

Maemo a SARS a tshwaro ya dikreptokharensi

PRETORIA, 06 Aprele 2018 – Ditirelo tša Motšhelo tša Afrika Borwa (SARS) di tla tšwela pele go diriša melao e tlwaelegilego ya motšhelo wa letseno go dikreptokharensi gape di tla holofela gore balefela motšhelo bao ba amegago ba laodiše dipoelo goba ditahlegelo tša kreptokharensi bjale ka karolo ya letseno la bona la go tšhelelwa.

Balefela motšhelo ba na le maikarabelo ka moka a go laodiša letseno ka moka la go tšhelelwa la go nyalelana le kreptokharensi mo ngwageng wa motšhelo wo e amogetšwego goba e oketšegilego. Go palelwa ke go dira bjalo go ka lebiša go ditswala le dikotlo.

Balefela motšhelo bao ba se nago tiišetšo mabapi le ditransekšene tše itšeng tša go amana le kreptokharensi ba ka kgopela tlhahlo go tšwa go SARS ka dikanale tša go swana le Ditaolelo tša Praebete tša go Tlema (go ya ka mokgwa wa transekšene).

Šedi e kgolo le dikakanyo mabapi le bokamoso bja kreptokharensi di hlohleleditše megala e mentši kudu go SARS go fana ka taetšo ya ka fao kreptokharensi e swanetšego go swarwa ka gona bakeng sa morero wa motšhelo. Le ge go le bjale, ka ge go laeditšwe go polelo ya ditaba, go na le mohlako wa motšhelo wo o ka hlahlago SARS le balefela motšhelo bao ba amegago ka ga ditlamorago tša dikreptokharensi, ka go dira gore Hlathollo ya Tsebišo ya ka thoko e se be bohlokwa gabjale.

Kreptokharensi (e tsebjago ka Bitcoin) ke tšhelete ya ditšithale ya go thewa ka inthanete yeo e bonagalago ka botlalo ka sebakabekeng. Palo e ntši ya balatedi ba thekga tirišo ya yona bjalo ka tlhalolano ya tšhelete ya naga (kharensi) ya go lefela dithoto le ditirelo go swana le dikharensi tše dingwe.

Ka Afrika Borwa, lentšu le “kharensi” ga se le tlhaloswe ka go Molao wa Motšhelo wa Letseno (Molao). Dikreptokharensi ga e dirišwe semmušo ka Afrika Borwa gomme ga se e tšho e dumelelwe ka Afrika Borwa bjale ka sedirišwa sa go lefela goba papatšano. Ka fao, SARS ga e tšee dikreptokharensi bjalo ka kharensi ya morero wa motšhelo wa letseno goba Motšhelo wa Dipoelo tša Matlotlo (CGT). Ka tlhatlolano, SARS e tšea dikreptokharensi bjale ka dithoto tša go se tshwarege ka tlhago.

Le ge di sa laetše kheše, dikreptokharensi di ka ba le boleng bja go laetša palo ya tšhelete yeo e amogetšwego goba e okeditšwego ka ge e laeditšwe go tlhaloso ya “letseno la kroso” ka go Molao.

Go latela melao yeo e tlwaelegilego ya motšhelo wa letseno, letseno le le amogetšwego goba le le oketšegilego go tšwa go ditransekšene tša kreptokharensi le ka tšhelelwa ka

akhaonteng ya letseno ka fase ga “letseno la kroso”. Ka tlhatlolano dipoelo tše bjalo di ka tšewa bjalo ka matlotlo ka tlholego, bjale ka ge e laeditšwe ka go Šetšulu ya Boseswai ya Molao bakeng sa motšhelo ka fase ga kakanyo ya CGT.

Taetšo ya ge eba koketšo goba kamogelo ke letseno goba matlotlo ka tlholego e lekolwa ka fase ga molao wo o lego gona (wo o se nago tlhaelelo).

Balefela motšhelo ba na le tokelo ya go kleima ditsshenyagelo tša go nyalelana le dikoketšo goba dikamogelo tša kreptokharensi, ge efela ditsshenyagelo di diregile ka tšweletšo ya letseno la molefela motšhelo le bakeng sa morero wa kgwebo.

Dipeakanyo tše di theilwego ka theko di ka dirwa ge eba di wela ka fase ga kakanyo ya CGT.

Dipoelo goba ditahlegelo tša go amana le dikreptokharensi di ka arolwa ka bophara ka tšhupetšo ya mehuta ya merero e meraro, enngwe le enngwe e fana ka kgonagalo ya koketšo ya phapano ya ditlamorago tša motšhelo:

- (i) Kreptokharensi e ka hwetšwa ka seo se bitšwago “go maena”. Go maena go dirwa ka go tiišetša ditransekšene ka letša ya setšhaba ya go dirišwa ka khomphutha, e fihlelelwa ka go rarolla di-algorithm tša go tlhakatlhakana tša khomphutha. Ka go tiišetša ditransekšene tše “momaeni” o putswa ka dikhoine tše mpsha tše di bago karolo ya kgokaganyo ya letša.

Se se fa kgodišo go koketšo ya semetseng goba kamogelo ya go maena ga tšwelelo ga kreptokharensi. Se se ra gore go fihlela ge kreptokharensi e mpsha e hweditšwego e rekišwa goba e tšhentšhwa bakeng sa kheše, e swarwa bjale ka setoko sa papatšano seo se ka lemogwago ka transekšene ya kheše ya go tlwaelega (bjale ka ge e hlalosišwe ka go (ii) goba transekšene ya kgweboneelano e hlalositšwe ka go (iii) ka fase.

- (ii) Babeeletši ba ka tšhentšha kharensi ya selegae bakeng sa kreptokharensi (goba (semphekgo) ka go diriša ditšhentšhano tša kreptokharensi, tšeo e lego mmaraka bakeng sa dikreptokharensi, gob aka ditransekšene tša praebete.
- (iii) Dithoto le ditirelo di ka tšhentšhišwa bakeng sa dikreptokharensi. Transekšene ye e tšewa bjale ka transekšene ya kgweboneelano. Ka fao melao ye e tlwaelegilego ya kgweboneelano e tla dirišwa.

Motšhelo wa Boleng bja go Oketšwa (VAT)

Tekolo ya ngwaga ya tekanyetšo ya 2018 e laetša gore tshwaro ya VAT ya kreptokharensi e tlo lekolwa. Ka ge go hlokega tlhalošo e kaone ya pholisi, SARS e ka se nyake ngwadišo ya VAT bjale ka morero wa morekiši wa phepo ya kreptokharensi.

Go hwetša tshedimošo enngwe, ka kgopelo lebelela [dipotšišo tša go botšišwa kgafetšakgafetša \(FAQs\)](#).